



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган



WWW.XS.UZ



E-mail: Info@xs.uz



2018 йил 9 декабрь, № 254 (7212)

Якшанба

Сайтимизга ўтиш учун QR-кодни телефонингиз орқали сканер қилинг.



ЎЗБЕКИСТОН ҚИШЛОҚ ХЎЖАЛИГИ ХОДИМЛАРИГА

Кадрли ватандошлар! Мухтарам деҳқон ва фермерлар!

Аввало, барчангизни, сизларнинг тимсолингизда бутун халқимизни Қишлоқ хўжалиги ходимлари куни билан чин қалбимдан табриклаб, энг эзгу ва самимий тилақларимни билдиришга рухсат этгайсиз.

Ўз ишининг мохир устаси бўлган сиз, азиялларнинг фидокорона меҳнатингиз самарасини ҳар куни ўз дастурхонидан қўрайдиган халқимиз бу йилги мавсум қандай оғир ва мураккаб кечганини яхши билади. Ҳақиқатан ҳам, табиат инжиқликлари — баҳорнинг қуруқ келгани, қутилмаган жала ва бўронлар, ёз фаслидаги кучли сув танқислиги, жазирама иссиқ, турли ҳашарот ва касалликлар экин-тикинларга катта хавф туғдиргани, қузда эса ёгин-сочинларнинг барвақт бошлангани мамлакатимиз қишлоқ хўжалиги ходимларини яна бир бор жиддий синовдан ўтказди.

Ана шундай қийинчиликларга қарамастан, юртимиз бўйича 6 миллион 124 минг тонна галла, 2 миллион 300 минг тонна пахта, 8 миллион 661 минг тонна сабзавот, 2 миллион 411 минг тонна картошка, 1 миллион 607 минг тонна полиз маҳсулотлари, 2 миллион 100 минг тоннага яқин мева, 1 миллион 314 минг тонна узум, 18 минг тонна пилла, 1 миллион 789 тонна гўшт, 7 миллион 830 минг тонна сут тайёрлашга эришгангиз таҳсинга лойиқ. Мухтасар айтганда, жами бўлиб 58 триллион 181 миллиард сўмлик қишлоқ хўжалиги маҳсулотлари етиштирилгангиз йил давомида қилган майдона меҳнатингиз маҳсулидир.

Жорий мавсум охирлаб, йил натижалари сарҳисоб қилинаётган мана шу қўтлуғ айёмда сиз-

ларга, барча қишлоқ аҳлига ана шундай олижаноб меҳнатингиз учун ўз номимдан, халқимиз номидан катта раҳматлар айтиб, чин қалбимдан миннатдорлик билдираман.

Азиз дўстлар!

Сизларга яхши маълумки, юртимизда кейинги икки йилда барча соҳалар қатори қишлоқ хўжалиги бўйича ҳам муҳим дастурлар, “йўл харита”лари ишлаб чиқилиб, изчил амалга оширилмоқда. Жумладан, деҳқон ва фермерлар, дала ишчилари меҳнатини муносиб қадрлаш ва рағбатлантириш мақсадида давлат эҳтиёжи учун харид қилинадиган пахта ва галлани молиялаштириш тартиби ўзгартирилгани, Ўзбекистон тарихида биринчи марта фермерлар ўз маблағларини мустақил сарфлаш ҳуқуқига эга бўлганини таъкидлаш лозим.

Бу йилги мавсумда галла етиштирадиган фермерларга 1 триллион 33 миллиард сўм ёки ўтган йилга нисбатан 142 фоиз, пахтачилик хўжалиқларига эса 5 триллион 138 миллиард сўм ёки ўтган йилга нисбатан 2,4 марта кўп имтиёзли кредитлар ажратилгани соҳа ривожига юксак эътибор намунасиридир.

Ушбу тармоққа бозор механизмлари, хўжалик юретишнинг агрокластер тизими жорий этилаётгани, илгари эътиборимиздан четда бўлиб келган замонавий иссиқхоналар, балиқчилик, асаларичилик, қизилмия, заъфарон, қалампир, саримсоқ, пийёз, тўқсонбости усулида сабзавот етиштириш, паррандчилик, йилқичилик, томорқа хўжалиқлари каби йўналишлар жадал ривожланаётгани туб таркибий ўзгаришларга сабаб бўлмоқда. Буларнинг барчаси қишлоқ хўжалигини маҳаллий ва чет эллик

инвесторлар учун тобора жозиба, истиқболли тармоққа айлантирмоқда.

Айни вақтда қишлоқларимиз қиёфасини тубдан янгилаш, уларни обод қилиш, қишлоқ аҳли учун замонавий шароитлар яратиш бўйича ҳам кўп иш қилинмоқда. Жумладан, арзон уй-жойлар дастури доирасида бу йил қишлоқларимизда 28 мингта уй-жой барпо этилиб, ўз эгаларига топширилди. Бундай уй-жойлар учун дастлабки тўлов миқдори 25 фоиздан 15 фоизга, кам таъминланган оилалар учун эса 10 фоизга туширилди.

Бу йил “Обод қишлоқ” дастури доирасида 159 та тумандаги 416 та қишлоқда катта ҳажмдаги қурилиш-ободонлаштириш ишлари олиб борилди. Натижада 2 миллионга яқин аҳолимиз учун янги уй-жойлар, табиий газ, электр, ичимлик суви тармоқлари, радон йўллар, мактаб ва бочалар, шифо масканлари, маданият ва спорт иншоотлари, бир сўз билан айтганда, муносиб ҳаёт шароитлари яратилгани, ҳеч шубҳасиз, барчамизни хурсанд қиладиган ва келгусида бу ишларни янада катта қўлаб ва кенг миқёсда давом эттиришга руҳлантиради.

Қадрли юртдошлар!

Ҳаммамиз яхши тушунамизки, ҳозирги пайтда олдимизда ҳал қилишимиз лозим бўлган ғоят муҳим вазифалар турибди. Аввало, жорий мавсумнинг ачиқ тажрибасидан келиб чиқиб, юқори самара бермаётган пахта ва галла майдонларини қисқартиришни изчил давом эттириш зарур.

Пахта ва галладан бўшаган майдонларда экспортбоп, ички ва ташқи бозорда талаб катта бўлган экинлар экиш, бошқача айтганда, ҳар бир хўжалик ва тумanning ихтисослашувини

қайта кўриб чиқиб, тегишли қарорлар қабул қилишимиз, кўп тармоқли фермер хўжаликлари, томорқа майдонлари самарасини оширишга қаратилган ишларимизни кучайтиришимиз керак.

Қишлоқ хўжалигида чидамли, эртапишар, серҳосил экин навларини яратиш, қорвачилиқда наслчиликни яхшилаш, энг катта бойлик бўлган ер ва сув ресурсларидан тежаб-тергаб фойдаланиш, уруғчиликни ривожлантириш эътиборимиз марказида туриши лозим.

Келгуси йилда суғориладиган ерларнинг мелиоратив ҳолатини яхшилаш мақсадида Давлат бюджетидан қарийб 1,7 триллион сўм, халқро молия институтларининг 84 миллион доллар миқдоридagi маблағини йўналтириш режалаштирилмоқда.

Шунингдек, сув омборлари тармоғини кенгайтириш ҳисобида лалми ерларни ўзлаштириш масаласига алоҳида эътибор қаратилади.

Бунинг учун Тошкент вилоятида жами 45 миллион куб метр сув йиғиладиган “Паркентсой”, “Қизилсой”, “Тоштепа”, Жиззах вилоятининг Фориш туманида “Караман”, Қашқадарё вилоятида “Гулдара”, “Аяқчисой”, Самарқанд вилоятида “Булуғур” сув омборлари барпо этилади.

Келгуси икки йилда эса 1 миллион 200 минг гектар ернинг сув таъминоти барқарорлаштирилади, йилига 1 миллиард 700 миллион куб метр сув тежалари ва 600 минг гектар ернинг мелиоратив ҳолати яхшиланади.

Биз учун ўта муҳим вазифа — қишлоқ хўжалиги учун юксак билим ва малакага эга бўлган олий ва ўрта махсус маълумотли кадрлар тайёрлаш тизимини тубдан такомиллаштиришимиз лозим. Бу борада хориждаги

етақчи олий ўқув юртлари билан бирга қўшма факультетлар ташкил этиш, яқинда иш бошлаган “Эл-юрт умиди” жамғармаси орқали агро соҳа мутахассисларини, ёш кадрларни ривожланган хорижий мамлакатларда ўқитишга алоҳида аҳамият беришни замоннинг ўзи талаб этмоқда.

Келгуси йили қишлоқ хўжалигида 1 миллиард 870 миллион АҚШ доллари ҳажмидаги инвестиция лойиҳаларини амалга ошириш мўлжалланаётгани бу соҳадаги ишларимизнинг ҳажми ҳам, масъулияти ҳам нақадар юксак эканидан далолат беради.

Ўз олдимизга қўйган улкан вазифаларни адо этиш, мамлакатимизнинг озиқ-овқат хавфсизлигини таъминлаш, халқимиз дастурхонини фаровон қилишдек олижаноб мақсад йўлида ҳаёт синовларида тобланган, мард ва матонатли фермерларимиз, Ўзбекистоннинг барча қишлоқ хўжалиги ходимлари бор билим ва тажрибаларини, қуч-ғайрат ва имкониятларини сафарбар этиб, ўзларини аямасдан меҳнат қилдилар, деб ишонаман.

Азиз дўстларим, ватандошларим!

Сизларни яна бир бор Қишлоқ хўжалиги ходимлари куни билан чин дилдан табриклайман.

Барчангизга сихат-саломатлик, ишларингизга янги-янги ютуқлар, хонадонларингизга файзу барака тилайман.

Умрингиздан, меҳнатингиздан барака топинг!

Кириб келаётган янги — 2019 йилда ҳосилимиз янада мўл бўлсин!

Қабул қилаётган барча режа ва дастурларимиз ижобат бўлсин!

Шавкат МИРЗИЁЕВ,
Ўзбекистон Республикаси
Президенти

Ўзбекистон Республикаси
Президентининг
Ф А Р М О Н И

ҚИШЛОҚ ХЎЖАЛИГИ ХОДИМЛАРИ КУНИ МУНОСАБАТИ БИЛАН СОҲА РИВОЖИГА МУНОСИБ ҲИССА ҚЎШГАН ЮРТДОШЛАРИМИЗДАН БИР ГУРУҲИНИ МУКОФОТЛАШ ТЎҒРИСИДА

Кўп йиллик фидокорона меҳнати билан мамлакатимизнинг иқтисодий қудрати ва экспорт салоҳиятини янада мустаҳкамлаш, қишлоқ хўжалиги соҳаси ривожини янги босқичга кўтариш ва уни комплекс модернизация қилиш, соҳага инновацион технологиялар, замонавий илм-фан ютуқларини, кластер тизимини кенг жорий этиш, озиқ-овқат хавфсизлигини таъминлаш, барча турдаги қишлоқ хўжалиги экинларидан юқори ва сифатли ҳосил етиштириб, эл-юрт фаровонлигини юксалтириш, дастурхонларимиз тўқинлигини таъминлашга қўшган муносиб ҳиссаси, аграр секторда ислохотларни, давлат дастурларини муваффақиятли амалга ошириш, ер ва сув ресурсларидан оқилона фойдаланиш, экин майдонларининг мелиоратив ҳолатини яхшилаш борасидаги катта хизматлари ҳамда ижтимоий ҳаётдаги фаол иштироки учун қуйидагилар фахрий унвон, орден ва медаллар билан мукофотлансин:

«Ўзбекистон Республикасида хизмат кўрсатган қишлоқ хўжалиги ходими»

Инамова Санобат Ахматовна — Чўст туманидаги «Санамжон Санобар» фермер хўжалиги бошлиғи, Наманган вилояти

Уматов Шавкат Турсунович — Оқолтин туманидаги «Улғубек» фермер хўжалиги бошлиғи, Сирдарё вилояти

«Ўзбекистон Республикасида хизмат кўрсатган ирригатор»

Хужаев Холбек Ризаевич — «Нарпайдавсувмахсусудрат» давлат унитар корхонаси экскаватор машинисти, Самарқанд вилояти

«Ўзбекистон Республикасида хизмат кўрсатган чорвадор»

Хужанов Жаксимурат Каленович — Конимех туманидаги «Қушқудуқ-Дўстлик-Кумуш-сури» масъулияти чекланган жамияти бош қўнони, Навоий вилояти

«Фидокорона хизматлари учун» ордени билан

Новицкий Зиновий Богданович — Ўзбекистон Республикаси Ўрмон хўжалиги давлат қўмитаси ҳузуридаги ўрмон хўжалиги илмий-тадқиқот институти лаборатория мудири

Нормурадов Холмамат — Термиз туманидаги «Термиз паррандчилик фабрикаси» масъулияти чекланган жамияти раиси, Сурхондарё вилояти

(Давоми 2-бетда).



МУРУВВАТ ВА БАҒРИКЕНГЛИКНИНГ ЮКСАК ИФОДАСИ

Мамлакатимизда улуг айём ва саналар арафасида инсонийликнинг олий намуналаридан — афв амалларини қўллаш аъёнага айланиб бормоқда. Ўзбекистон Республикаси Конституцияси қабул қилинганнинг 26 йиллиги муносабати билан ҳамда Конституцияимизнинг 93-моддасига асосан, Президентимиз Шавкат Мирзиёев томонидан “Озодликдан маҳрум этиш жазосини ўтаётган, қилмишига чин кўнгилдан пушаймон бўлган ва тузалиш йўлига қатъий ўтган бир гуруҳ шахсларни афв этиш тўғрисида”ги Фармонга имзо чекилиши бунинг яққол ифодаси бўлди.



Бу сафарги ҳужжатга биноан афв этилган 136 нафар шахс тақдирини, шубҳасиз, муҳим бурилиш ясалди. Ўз ҳаётини тўғри йўлга қўйиб олишлари учун имкон берилди, ундан ҳам муҳими, 136 оиланинг бағри бут бўлди, хонадонларига ёруғлик инди. Индаллосини айтганда, ҳатосини англаб, астойдил пушаймон бўлганларга мурувват кўрсатилди.

Афв этилган шахсларнинг



98 нафар шахс жазони ижро этиш муассасалардан озод қилинади.

- 30 нафари жазодан тўлиқ озод этилади,**
- 26 нафари жазони ўташ муддатидан илгари шартли озод қилинади,**
- 42 нафари енгилроқ жазо билан алмаштирилади.**

ФИДОКОРОНА МЕҲНАТ САМАРАСИ

Мамлакатимизда Ўзбекистон Республикаси қишлоқ хўжалиги ходимлари куни кенг нишонланмоқда.



Жонбек ҚўЗИМУРОДОВ (ўрта) оғилар билан.

Дунёда шундай шарафли бир касб эгалари борки, юрт фаровонлиги, эл ободлиги, кўнгил хотиржамлиги уларнинг заҳматли меҳнати билан чамбарчас боғлиқ. Бу қадимий касб саналимиш деҳқончиликдир.

Жорий деҳқончилик мавсуми якунланаётган айни паллада Қишлоқ хўжалиги ходимлари куни юртимизнинг ҳар бир ҳудудида ўзгача тантана қилиниб, ҳосил байрами ва сайиллар уюштириляпти. Шу боис айём шуқуқи кириб бормаган жой қолмади. Зотан, ушбу кун наинки тақдирини ер билан боғлаган миришкор деҳқон ва фермерлар, сувчи ҳамда ирригаторлар, механизатор ва агрономлар, аграр тармоқ олимларининг, балки эртанги ҳаёти, турмуш фаровонлиги шу замин саховати билан бевоқифа боғлиқ бўлган барча юртдошларимизнинг қувончли шодийнаси ҳамдир.

Дарҳақиқат, буни англаш учун буюк мутафаккир бобомиз Алишер Навоийнинг қуйидаги шохсатларини ёдга олиш киёфя: “Деҳқонки, дон сочар, ерни ёрмоқ билар ризқ йўлин очар... Олам аҳли маъмурлиги алардир, олам аҳли масрурлиги алардин. Ҳар қаён қил-

салар ҳаракот, элга ҳам қут еткурур, ҳам баракот”.

Шу маънода, давлатимиз раҳбарининг ташаббуси билан декабрь ойининг иккинчи якшанбаси Ўзбекистон Республикаси қишлоқ хўжалиги ходимлари куни этиб белгиланиб, ушбу байрам аънавий равишда нишонла-

наётгани ризқ-рўзимиз бунёдкорларининг машаққатли меҳнатига бўлган юксак ҳурматни ўзида муҳасам этади.

Қишлоқ хўжалигини модернизациялаш, экин майдонларини оптималлаштириш, соҳани саноатлаштириш аграр тармоқда олиб борилаётган ислохотларнинг



ДУНЁ НИГОҲИ

Ал-Азҳар шайхи: «ЎЗБЕКИСТОН БИЛАН ДИНИЙ ҲАМКОРЛИКНИ МУСТАҲКАМЛАШДАН МАНФААТДОРМИЗ»

Миср Араб Республикаси Ахборот агентлиги томонидан мамлакат Бош имоми, Ал-Азҳар мажмуаси раҳбари шайх Аҳмад Таййибнинг юртимизга амалга оширган ташифи якунларига бағишланган мақола эълон қилинди.



тарғиб қилиш, унинг инсонпарварлик моҳиятини асраш, диний-маънавий меросни тадқиқ этиш, хавф-хатарларга қарши курашиш борасида Ўзбекистон ва Мисрда катта ишлар қилинаётганини қайд этди.



ДУНЁ

НИГОҲИ

Ал-Азҳар шайхи:

«ЎЗБЕКИСТОН БИЛАН ДИНИЙ ҲАМКОРЛИКНИ МУСТАҲКАМЛАШДАН МАНФААТДОРМИЗ»



Аҳмад Таййибнинг фикрига кўра, Ислом уммати ёшлари Ўзбекистонда етишиб чиққан буюк алломалар, уларнинг бой маънавий мероси билан яқиндан танишишга катта эҳти-ёж сезмокда.

Мақолада келтирилишича, Миср томони Ўзбекистондаги диний таълим муассасалари, Имом Бухорий номи-даги халқаро илмий-тадқиқот маркази, Ўзбекистондаги Ислом цивилиза-цияси маркази билан ҳамкорликни

мустаҳкамлашдан манфаатдор. Шу-нингдек, меҳмон Ўзбекистон халқаро ислом академиясига ташрифи даво-мида қатор масалалар бўйича ман-фаатли келишувларга эришганидан мамнулигини билдирди.

“Ҳар йили Ўзбекистондан ўнга яқин талаба Ал-Азҳар университетига таъ-лим олиш учун келади. Бундан ташқа-ри, имом-хатиблар билимини ошириш ва ёт гоьларга қарши курашда тажри-басини мустаҳкамлаш мақсадида Мисрда малака оширади”, дея қайд этилади агентлик хабарида.

Ўз навбатида, Ўзбекистонда сўнгги икки йил давомида турли со-ҳаларда, айниқса, диний-маърифий йўналишда улкан ўзгаришлар юз бергани эътироф қилинади. Хусусан, Ўзбекистонда туғилиб, дунёга илм-маърифат таратган буюк зотларнинг бой илмий меросини чуқур ўрганиш мақсадида илмий-тадқиқот марказ-лари, ислом таълим муассасалари таъсис этилди, дейилади.

“Албатта, бу каби улўввор ташаб-буслар 130 дан ортик миллатлар ва элатлар вакиллари истикомат қилади-ган Ўзбекистонда ўзаро ҳурмат ҳамда ишонч тамойилларига асосланган мўътадил диний қарашларни янада мустаҳкамлаш мақсадини кўзлайди.

Ўзбекистон бағрикенглик ва ҳам-жиҳатлик қадриятларини қўллаб-қув-ватлашга алоҳида эътибор қарат-мокда. Ушбу йўналишда Миср ҳамда Ал-Азҳар билан ҳамкорликни янада мустаҳкамлаш ва ўзаро тажриба алмашишга интиломқда”.

Шахзод ИСЛОМОВ тайёрлади.

«ЎЗБЕКИСТОНДАГИ МЕЪМОРИЙ ОБИДАЛАРДА ШАРҚ ВА ҒАРБ ЦИВИЛИЗАЦИЯСИ УЙЎНЛИГИ МУЖАССАМ»

Юртимизда туризмни янада ривожлантириш, унинг халқаро миқёсдаги имиджини шакллантириш борасида кенг қўламли ислохотлар амалга оширилаёттир. Бу каби ижобий ўзгаришлар натижасида мамлакатимизга келиб, халқимизнинг бой маданияти ва анъаналари билан яқиндан танишиш, бебаҳо табиатимиздан баҳра олиш истагида бўлган сайёҳлар сафи тобора кенгайиб бормоқда. Мухбиримиз уларнинг айримлари билан суҳбатлашди.

Адриен ПИТЕРС (Бельгия):

— Дўстларимдан бири юртингизга саёҳат қилган экан, жуда мақтди. Худ-ди эртақлар мамлакатига ўхшайди, деди. Очиги, роса иштиёқим ошиб, ўз кўзим билан кўргим келди.

Ростдан ҳам, таъриф-лаганича бор экан. Бу ердаги меъморий обида-лар катта таассурот уй-ғотди. Улар шунчаки би-нолар эмас. Худуднинг географик ва иқлим ша-роити, ушбу маконда яшаган халқлар турмуш тарзи, урф-одати ҳамда анъаналарини ифода этувчи, география, ас-трономия, физика, мате-матика каби аниқ фанлар



ютуқлари сифатида бунёд этилган иншоот-лардир. Уларда мадани-ят, маърифат, илм му-жассам. Бу туризм учун катта имкониятдир. Мам-лакатда айни пайтда сай-ёҳликни ривожлантириш-га жуда катта эътибор

қаратилаётгани ҳақида гид айтиб берди. Виза тартиби соддалаштирил-гани тўғрисида интернет-дан ўқигандим. Бу ерга келиб меҳмонхоналар, транспорт тизими ривож-лантирилаётгани, турист-тик йўналишлар кўпайти-рилаётгани тўғрисида билиб олдим. Менга, ай-ниқса, уй-меҳмонхоналар маъқул келди. Бу орқали одамларнинг турмуш тарзи, анъаналари ҳа-қида яқиндан билиш мумкин. Қолаверса, валюта айирбошлаш шо-хобчаларининг автомат-лаштирилган тизимга ўтказилаётгани ҳам диқ-қатга сазовор.

Халқингиз жуда меҳ-мондўст экан. Шарқона

бозордаги сархил мева-ларнинг турли-туманли-гини кўриб, лол қолдим. Сотувчилар, айниқса, чет эллик меҳмонларга ало-ҳида илтифот қўрсати-шар экан. Олма, анор, ўзум сотиб олгандим. “Бизни эслаб юрасиз”, деб ортиги билан солиб беришди. Қойил! Уларга чин дилдан раҳмат айт-дим.

Тошкент, Самарқанд, Бухоро, Хивани айлиниб, шундай хулосага келдим-ки, инсон умри давоми-да ҳеч бўлмаса бир мар-та шу шаҳарларни кўри-ш керак экан. Юртимга қайтганда, мен ҳам яқин-ларимга, дўстларимга буларни гапириб бер-моқчиман.



Ишик УҒУРЛУ (Германия):

— Бизнинг “Evcetur” компания-миз маданий туризм билан шуғул-ланади ва касбим тақозоси сабаб-ли юртингиз тарихи, маданий қад-риятлари ҳақида муайян тасаввур-га эгаман. Бу — Имом Бухорий, Нақшбандий, Мотуридий, Ибн Сино, Амир Темур каби улўғ зотларга бе-шик бўлган юрт. Ўзбек халқи, шу-нингдек, дунёга бағрикенглиги, эзгу фазилатлари билан ҳам танилган.

“Саҳродаги Лувр” дея таърифла-надиган И. Савицкии номидаги Қорақалпоғистон давлат санъат му-зейи жаҳон ахли диққатини торт-мокда. Қолаверса, Франция ва Россия билан ушбу мамлакатларда сақланаётган Ўзбекистон тарихига оид экспонатларни биргаликда ўрганиш бўйича ҳаракатлар олиб борилаётгани эътиборга лойиқ.

Ҳазрати Имом мажмуасини зиё-рат қиларканимиз, унинг атрофида олиб борилаётган кенг қўламли бунёдкорлик ишларига гувоҳ бўлдик. Айтишларича, бу масканда Ўзбекистондаги Ислом цивилизация-си маркази фаолият юритаркан.

Самарқандда Имом Бухорий номи-даги халқаро илмий-тадқиқот мар-кази қошида ҳадисшунослик макта-би очилгани ҳам жуда хайрли иш бўлибди. Юртингиздаги бундай эзгу саъй-ҳаракатлар изчил давом этиши-ни тилайман.

Ш. УЛУҒОВ («Халқ сўзи») ёзиб олди.

МУРУВВАТ ВА БАҒРИКЕНГЛИКНИНГ ЮКСАК ИФОДАСИ



Ана шулардан бири — Жиноят кодекси 159-мод-даси билан озодликдан маҳрум этилган Алишер Мухторов. У 1975 йилда Самарқанд вилоятида ту-ғилган. Маълумоти — олий, муқаддам 2 марта-ба судланган. Икки ўғил, бир қизнинг отаси. Жами 19 йил умрини жазони ижро этиш муассасасида ўтказди. 21 ёшга кирган катта фарзандининг бола-лиги, вояга етаётган чоғи, қолганларининг эркалиниб қилган шўхликларини кўрмаган. Энди буниси — армон. Фармон имзолан-ган куннинг ўзида озод-ликка чиққан Алишернинг надомати, ҳавога совурил-ган умрининг бесамар йиллари учун чеккан анду-ҳига қулоқ тутдик...

Шуни алоҳида қайд этиб ўтиш лозимки, бу галги ва ундан аввалги, яъни мамлакатимиз мустақил-лигининг 27 йиллиги арафасида қабул қилин-ган афв тўғрисидаги ҳуж-жатлар ижроси давлати-миз раҳбарининг жорий йил 8 майдаги Фармони билан тасдиқланган Ўзбе-кистон Республикасида афв этишни амалга оши-риш тартиби тўғрисидаги Низом талаблари асосида олиб бориломқда.


Умуман, Президент Шавкат Мирзиёев томони-дан амалга киритилган афв институти қўлланила бошлаганидан буён, ҳозиргиларини ҳам қўшиб ҳисоблаганда, 3323 нафар шахс яна озод ҳаёт кучо-ғига қайтди. Табиатан ҳур, эркин яшаш учун яратил-ган инсонга озодликини чеклашдан огирроқ жазо

лотлари вакилларининг ке-чиктириб бўлмас вазифа-сидир.

Шу боис ушбу масала Фармонда алоҳида бел-гилаб қўйилган. Яъни афв этилганларни оиласи ҳамда яқинлари бағрига қайта-риш, ижтимоий ҳаётга тўла мослашиб, меҳнат билан шуғулланишлари, соғлом турмуш тарзини йўлга қўйиб, жамиятдан муносиб ўрин топишлари учун улар-га кўмак бериш бўйича масъул вазирлик ва идо-ралар, жамоат ташкилот-ларига тегишли топшириқ-лар берилди.

Аслида аёл ҳамда жино-ят сўзларини ёнма-ён қўллашга тил бормаиди. Афв этилганлар орасида уч нафар аёл киши ҳам бор. Бир қараида бу ра-қам оз кўринади. Аммо уйига қайтиб келаётган эр-каklar ҳам эшик санаб,

АФВ ЭТИЛГАНЛАРНИНГ



йўқлигини изоҳлаб ўти-ришга ҳожат бўлмаса ке-рак. Бир пайтлар жазолан-ган, эндиликдаги собиқ маҳбуслар ҳам “мусицадек беозор” бўлиб, ҳолва ёб юргани учун аристон қилинмаган. Шундайку-я, аммо бу — унинг бутун ҳаёти абгор бўлиб, расво-ю радди бало бўлмоғи керак, дегани ҳам эмас. Гап озодликка қайтган юрт-дошларимизнинг қамокдан кейинги ҳаёти тўғрисида кетмокда. Замонавий тил-да “ижтимоий реабилита-ция” дейишдади буни. Улар ўзини катта ҳаётга қўник-тириши, одамларга қўши-либ, жамиятга мослашиши керак. Бу борада уларни бегонадек қўйиб ажратиб қўймасдан, ҳар томонлама қўмақлашиш муҳим ҳисоб-ланади. Буниси энди ма-ҳалла-қўй, қўни-қўшни, қавму қариндош, умуман, давлат ва жамоат ташки-

бошқа жойга эмас, рўзго-ри, аёлию бола-бақраси олдига бораётганлигини ҳисобга олсак, қанчадан-қанча опа-сингилларимиз-нинг кўзида қувонч балқи-ганини англаш қийин эмас. Бу — турмушнинг бор юки-ни нозик елкасида кўтариб келаётган аёллар бағрига офтоб тегди, суянган тоғи қайтиб, энди рўшнолик кўради, деганидир.

Фармоннинг айнан Конс-титутция куни арафасида қабул қилинишида ҳам ўзига хос маъно бор. Асосий Қонунимиз тимсо-лида афв этилган шахс-ларда бундан кейинги ҳаётида қонунларга нисба-тан ҳурмат руҳини шакл-лантириш мужассам.

Хуллас, шунча юртдо-шимиз афв этилди. Улар-нинг бундан кейинги ҳаёти қандай бўлиши энди кўп жиҳатдан ўзла-рига бўглик.

Бош прокуратура ҳузуридаги Ахборот-таҳлил мультимедиа маркази материаллари асосида Зокир ХУДОЙШУКУРОВ тайёрлади.

ЭЪЛОНЛАР

«Ипотека-банк» АТИБ танлов эълон қилади.

«Ипотека-банк» АТИБ 2019 йил обунаси учун бош офисга Ўзбекистон ва чет элда чоп этиладиган дав-рий нашрларни ўз вақтида етказиб берувчи ҳамда шу соҳада сифатли хизмат кўрсатувчи ташкилотлар ўртасида танлов эълон қилади.

Даврий нашрларни етказиб берувчилар учун талаблар қуйидагича:

- Ўзбекистон ва чет элда чоп этиладиган газета ҳамда журналларни «Ипотека-банк» АТИБ бош офисига соат 8.30 га қадар етказиб бериш;
- банк раҳбарияти учун белгиланган нашрларни алоҳида пакетда етказиб бериш.

Тижорат таклифлари алоҳида конвертга жойланган ва корхона муҳри билан тасдиқланган ҳолда 2018 йил 12 декабрь соат 13.00 га қадар қуйидаги манзилда қабул қилинади:

100000, Тошкент шаҳри, Шахрисабз кўчаси, 30-уй. Мурожаат учун телефон: 78-150-26-66.

Хизматлар лицензияланган.

ТОШКЕНТ ДАВЛАТ МИЛЛИЙ РАҚС ВА ХОРЕОГРАФИЯ ОЛИЙ МАКТАБИ

БЎШ ЎРИНЛАРГА ТАНЛОВ ЭЪЛОН ҚИЛАДИ.

- «Хореография» кафедраси профессори (1 ўрин)
- «Хореография» кафедраси доценти (1 ўрин)
- «Хореография» кафедраси катта ўқитувчиси (1 ўрин)
- «Хореография» кафедраси ўқитувчиси (1 ўрин)
- «Санъат назарияси ва тарихи» кафедраси доценти (1 ўрин)
- «Санъат назарияси ва тарихи» кафедраси катта ўқитувчиси (1 ўрин).

ТАНЛОВДА ҚАТНАШИШ УЧУН ҚУЙИДАГИ ҲУЖАТЛАР ТАҚДИМ ЭТИЛИШИ ЛОЗИМ:

- Ректор номига ариза.
- Ходимнинг шахсий варақаси.
- Маълумоти, илмий даражаси, илмий унвони ҳақидаги диплом нусхалари.
- Паспорт нусхаси.
- Илмий ишлар рўйхати (илмий котиб томонидан тасдиқланган ҳолда).
- Малака оширганлиги тўғрисидаги гувоҳнома нусхаси.
- Меҳнат дафтарчасининг нусхаси.

Ҳужжатлар эълон чиққан кундан бошлаб 1 ой муддатда қабул қилинади.

Манзил: 100011, Тошкент шаҳри, Юсуф Хос Ҳожиб кўчаси, 31-уй. Телефонлар: 71-256-36-91, 71-256-24-36.

Акциядорлик тижорат Халқ банки Тошкент шаҳар филиали

Амалиёт бўлими ҳар хил турдаги ютуқли лотерея билетларини аҳоли ўртасида сотишни ташкиллаштириш учун мустақил сотувчи фуқароларни шартнома асосида ишга таклиф этади.

Сотилган ҳар битта лотерея билетлари учун сотилган лотерея қийматининг 10 % (ўн фоиз)гача бўлган миқдорда Халқ банки томонидан мукофот пули тўланишини маълум қиламиз. Мустақил сотувчи бўлишни хоҳлаган фуқаролар қуйидаги манзилларга мурожаат этишлари мумкин:

№	Филиал номи	Филиал жойлашган туман	Филиал манзили	Тел. рақамлари
1.	АТ Халқ банки Миробод филиали	Миробод тумани	Тошкент шаҳри, Миробод тумани, Нукус кўчаси, 2-уй	71-255-77-38, 90-951-92-71
2.	АТ Халқ банки Шайхонтоҳур филиали	Шайхонтоҳур тумани	Тошкент шаҳри, Шайхонтоҳур тумани, Марказ-14, 19-уй	71-202-10-30, 99-879-64-56
3.	АТ Халқ банки Мирзо Улуғбек филиали	Мирзо Улуғбек тумани	Тошкент шаҳри, Мирзо Улуғбек тумани, Ҳамид Олимжон майдони, 13-уй	71-202-10-40, 97-424-26-08
4.	АТ Халқ банки Юнусобод филиали	Юнусобод тумани	Тошкент шаҳри, Юнусобод тумани, Амир Темур шоҳқўчаси, 1-«А» уй	71-212-03-32, 98-363-66-30
5.	АТ Халқ банки Чилонзор филиали	Чилонзор тумани	Тошкент шаҳри, Чилонзор тумани, Лаби-Ховуз кўчаси, 1-«В» уй	71-207-10-40, 97-700-68-63
6.	АТ Халқ банки Сергели филиали	Сергели тумани	Тошкент шаҳри, Сергели тумани, Сергели-4 даҳа, 31-«А» уй	71-258-88-95, 91-776-67-66
7.	АТ Халқ банки Яшнобод филиали	Яшнобод тумани	Тошкент шаҳри, Яшнобод тумани, Бешариқ кўчаси, 116-уй	71-230-45-36, 99-825-08-66
8.	АТ Халқ банки Олмазор тумани	Олмазор тумани	Тошкент шаҳри, Олмазор тумани, Талабалар шаҳарчаси, 54-«А» уй	71-227-18-00, 93-581-55-48
9.	АТ Халқ банки Учтепа филиали	Учтепа тумани	Тошкент шаҳри, Учтепа тумани, Чилонзор 25-даҳаси, Каттаҳирмонтепа кўчаси, 41-уй	71-272-54-37, 98-362-48-03
10.	АТ Халқ банки Бектемир филиали	Бектемир тумани	Тошкент шаҳри, Бектемир тумани, Хусайн Бойқаро кўчаси, 25-уй	71-295-45-72, 99-845-76-10
11.	АТ Халқ банки Тошкент шаҳар филиали Амалиёт бўлими	Яккасарой тумани	Тошкент шаҳри, Яккасарой тумани, Шота Руставели кўчаси, 9-уй	71-281-45-98, 90-909-63-63.

Хизматлар лицензияланган.

ЭЪЛОН

2018 йил 27 декабрь кунини online видеоконференция форматида Ўзбекистон Савдо-саноат палатасининг навбатдан ташкари курултойи ўтказилади.

Кун тартиби:

- Савдо-саноат палатаси ва унинг ҳудудий бошқармаларининг 2019 — 2021 йилларга мўлжалланган асосий фаолият йўналишлари.
- Ўзбекистон Савдо-саноат палатаси Уставага ўзгартириш ва қўшимчалар киритиш.
- Тафтиш комиссияси аъзоларини тайинлаш.
- Бошқа масалалар.

Курултой 2018 йил 27 декабрь кунини соат 10.00 да Ўзбекистон Савдо-саноат палатаси мажлислар залида бошланади.

10 декабрь — Ўзбекистон Республикасининг Давлат мадҳияси қабул қилинган кун



Қалбга ғурур бағишлайди, янги марраларга ундайди

Ўзбекистон Қаҳрамони, Ўзбекистон халқ шоири Абдулла Орипов шеъри, Ўзбекистон халқ артисти, атоқли композитор Мутал Бурхонов муסיқаси асосида яратилган Мадҳиямиз халқимизнинг асрий орзулари, келажакка ёруғ умиди ва мустақкам ишончини теран ифодалаган. Шу боис қалбимиздан чуқур жой олган.

Мадҳиямиз таълим масканларида ёш авлодни ватанпарварлик руҳида камол топтиришга хизмат қилмоқда. Энди ҳарф таний бошлаган жажжи фарзандларимиз миллатимизнинг Бош кўшигини куйлаганини кўргансиз, бунга жуда кўп гувоҳ бўлгансиз. Қандай ҳаяжонли дамлар бу, шундай эмасми? Бундай лаҳзаларда жонажон Ватанимизда аждодларга муносиб, миллатпарвар авлод вояга етаётганига яна бир бор амин бўламиз.

— Мусобақаларда ғалабам шаънига давлатимиз байроғи кўтарилиб, мадҳиямиз янраганида қувонч ва ҳаяжондан кўзларимга ёш келади, — дейди ХХХІ ёзги Олимпия уйинларининг бокс бўйича олтин медали соҳиби Ҳасанбой Дўсматов. — Серкуёш Ватан фарзанди, дунёга мардлик ҳамда жасорат бобида ибрат бўлган улуг зотлар авлоди эканимдан гурурланаман. Доим шунга муносиб бўлишга интиламан.

Дарҳақиқат, Мадҳиямиз вужудимизга она сuti, алласи ва улуг аждодларимиз ўғити билан кирган бемисл миллий қудрат, мустақкам иродани эслаиб туради. Бу мустақиллигимизни мустақкамлашга, бугунги эркин ва фаровон ҳаётимизнинг қадрига етишга, уни асраб-авайлашга ундайверади.

Дилшод КАРИМОВ.

МАДАНИЯТ ВА САНЪАТ ТАРАҚҚИЙ ЭТМАСА, ЖАМИЯТ РИВОЖЛАНМАЙДИ

Мамлакатимизда Президентимиз Шавкат Мирзиёев ташаббуси билан барча соҳада ҳаётга татбиқ этилаётган истиқболли лойиҳалар, жойларда амалга оширилаётган кенг қўламли бунёдкорлик ишлари халқимизнинг нафақат турмуш тарзини, балки дунёқарашини ҳам тубдан ўзгартирмоқда.

Бундай эзгу жараёни маданият ва санъат ривожига, ижод аҳлига кўрсатилаётган юксак эътибор мисолида ҳам кўриш мумкин. Сўнгги икки йилда мазкур соҳага тааллуқли 20 га яқин Фармон ва қарорлар қабул қилинди. Улар ижроси юзасидан савъ-ҳаракатлар олиб бориляпти. Президентимизнинг жорий йил 28 ноябрдаги “Ўзбекистон Республикасида миллий маданиятни янада ривожлантириш концепциясини тасдиқлаш тўғрисида”ги қарори ушбу жабҳадаги мавжуд муаммо ва камчиликларни бартараф этишга қаратилган муҳим ҳужжат сифатида алоҳида аҳамиятга эга.

Муносабат

Бинобарин, давлатимиз раҳбари таъбири билан айтганда, мамлакатимизда маданият ва санъат тараққий этмаса, жамият ривожланмайди. Қолаверса, тараққийётнинг чинакам самараси бойлик ёки куч-қудрат даражаси билан эмас, миллий маданиятнинг нақада юксакликка кўтарилгани билан ўлчаниши хусусида тарихий мисоллар кўп. Масалан, инглиз санъатшуносолими Ф. Р. Мартин “Темурийлар сингари санъати ва маданиятини қадрлайдиган ҳукмдорлар Марказий Осиёда ҳеч вақт бўлмаган”, деб ёзади. Шу маънода, давлатимиз раҳбарининг миллий маданиятни янада ривожлантириш концепциясини ишлаб чиқишга доир ташаббуси тафаккур тарзимиз, ҳаётга муносабатимиз, миллат ва халқнинг бугуни, эртасини, навқирон авлод маънавий қамолотини, одамларимизнинг нури келажакини яратишга қаратилган ишларимизнинг туб илдизларини ҳам ўз ичига қамраб олади, десак, аниқлигимиз бўлади.

Концепция беш бобдан иборат. Унда келгусида амалга оширилиши лозим бўлган бир қатор устувор вазифалар белгилаб берилган. Жумладан, маданият соҳасидаги муносабатларни тартибга солиш, тизимдаги муассасалар ҳуқуқий мақомини белгилаш, ижодкорларни ижтимоий ҳимоялашнинг ҳуқуқий базасини, кадрлар тайёрлаш ва малакасини ошириш тизимини яратиш, маданият ҳамда санъат

Миллий маданиятни янада ривожлантириш концепциясига мувофиқ:



894 та маданият ва аҳоли дам олиш маркази маданият марказларига айлантирилади.

2019 — 2022 йилларда Қорақалпоғистон Республикаси, вилоятлар ва Тошкент шаҳрида **26 та** маданият маркази янгидан қурилади, **45 таси** реконструкция қилинади ва **76 таси** капитал таъмирланади.



муассасалари моддий-техника имкониятларини кенгайтириш кўзда тутилган. Шунингдек, соҳага ахборот-коммуникация технологияларини тўлиқ татбиқ этиш, халқаро фестивал ва кўрик-танловларда чинакам истеъдод эгалари иштирокчини таъминлаш, ҳорижий ташкилотлар билан ижодий ҳамкорликни йўлга қўйиш каби қатор чора-тадбирлар белгиланган. Қарор асосида 2019-2020 йилларда Ўзбекистон Республикасида миллий маданиятни янада ривожлантириш концепциясини амалга ошириш бўйича “йўл харитаси” ҳамда Қорақалпоғистон Республикаси, вилоятлар ва Тошкент шаҳрида амалга оширилиши режалашти-


риллаётган чора-тадбирлар дастури, 2019 — 2022 йилларда янги қурилади-ган, реконструкция қилинади-ган, капитал таъмирланади-ган ва тўлиқ жиҳозланади-ган маданият марказларининг манзилли рўйхати ҳам тасдиқланди.

Албатта, буларнинг барчаси миллий маданиятимизни янада ривожлантириш концепцияси мамлакатимиз маданият ҳаётида нақада катта аҳамият касб этишини ифодалаб турибди. Зеро, у соҳада тўланиб қолган жиддий муаммоларни бартараф этишда ҳам дастуриламал бўлади. Мисол учун,

ник ускуналар билан жиҳозланган ихтисослаштирилган “Автоклуб” транспорт воситаси 2019 йилда Навоий ва Андижон вилоятларига Давлат бюджет-ти ҳисобидан олиб берилиши режалаштирилган. Келгусида эса республикамизнинг барча ҳудуди шундай автоклублар билан таъминланади.

Маданий хизматнинг бундай замонавий усули халқимиз маънавий-руҳий эҳтиёжларини тўлақонли қондиришда ўзининг ижобий натижасини бериши, шубҳасиз. Чунки автоклублар концерт-томоша фаолияти билан чекланиб қолмай, чекка ҳудудлар аҳолисига китоб-

Ҳар йили **21 — 27 март** кунлари аҳоли учун “Театр томошалари ҳафталиги” бепул ташкил этилади.



Маданият вазирлиги томонидан аънавий равишда

“Халқ чолгулари ижрочилари”

Мукаррама Турғунбоева номидаги

“Миллий ракс ижрочилари”

ва Юнус Ражабий номидаги

“Ёш мақом ижрочилари”

республика кўрик-танловлари ўтказилади.



лар, газета-журналлар етказиш, таниқли ёзувчилар, шоирлар, театр ар-боблари, сиёсий шарҳловчилар билан мулоқотлар, ижодий кечалар ташкил этади. Яна бир масала: шу пайтгача юртимизда мавжуд 894 та собиқ маданият ва аҳоли дам олиш марказининг 252 таси наридан-бери таъмирланиб, номигагина фаолият олиб бора-пти. Қолган 642 тасида эса таъмирлаш ишлари деярли тўхтаб қолганди. Муסיқий чолгулар, овоз кучайтириш воситалари ва бошқа зарур жиҳозлар билан таъминлаш масалалари ҳам ачинарли ҳолатда. Қарорда ана шу муҳим ва ўта долзарб масалалар ечими ҳам ўз ифодасини топган.

Эзгулик

Ўзбекистон Республикаси Конституцияси тарихда илк бор Брайль алифбосида чоп этилди. Шу муносабат билан Матбуот ва ахборот агентлиги томонидан Тошкент шаҳар ихтисослаштирилган кўзи оғизлар мактаб-интернатида хайрия-тақдирот тадбири ўтказилди.

Сифатли ўқув қўлланмалари Брайль алифбосида чоп қилинади

Асосий Қонунимизнинг Брайль алифбосида чоп этилиши кўзи оғиз инсонларнинг ҳам бахтимиз қомусига доир билимларини янада бойитишга, ўз ҳуқуқ ва бурчларини чуқур англашларига имконият яратади.

Тадбирда агентлик томонидан имконияти чекланган фуқароларга мўлжалланган зарур ноширлик-матбаа маҳсулотларини чоп этиш борасида қилинаётган ишлар ҳақида ҳам айтиб ўтилди. Жумладан, Кўзи оғизлар босмахонаси ҳамда унинг таркибидagi “Ёғду” наشريёти томонидан кўриш қобилияти чекланган инсонлар учун турли китоблар нашр қилиняпти. Шу билан бирга, соҳада ўз ечимини кутаётган муаммолар ҳам мавжуд. Кўзи оғизлар босмахонаси маънавий ва моддий жиҳатдан анча эскирган. Бу самарадорликка таъсир кўрсатмоқда — босмахонада йилга бор-йўғи 18 турдаги дарслик чоп қилиняпти. Ваҳолонки, кўзи оғизлар маҳсус мактаби учун яна 48 тур дарслик етишмайди. Таққослаш учун келтириш мумкин: умумтаълим мактабларида болалар ўқув жараёни мобайнида 134 га яқин дарсликлардан билим олишади.

Олий ўқув юртларида ҳам кўзи оғизлар учун ўқув қўлланмаларининг йўқлиги боис бу тоифадаги тала-

балар фақатгина маърузада ёзиб олган конспектлардан фойдалана олишадди, холос.

Ушбу соҳадаги вазиятни тубдан ўзгартариш мақсадида Ўзбекистон Матбуот ва ахборот агентлиги томонидан “Кўнгил кўзи” номили кенг миқёсли дастур ишлаб чиқилмоқда. У кўзи оғизлар учун ўқув қўлланмаларини нашр этиш соҳасида янги ишланмаларни молиялаштириш, бу борада фаолият юритадиган босмахоналарнинг техник ва технологик асосини янгиллаш, соҳани ривожлантириш учун кадрлар етиштириш, аудио китоблар ишлаб чиқариши ривожлантириш, имконияти чекланган бундай болаларга сифатли таълим ва ижтимоий мослашувга йўналтирилган яна бошқа чора-тадбирлар амалга оширилиши режалаштирилган.

Зарур адабиётлар, ўқув қўлланмаларининг чоп этилиши ихтисослаштирилган мактаб-интернатларда сифатли таълимни таъминлаш, кўзи оғиз ёшларнинг иқтидор ва салоҳиятини рўёбга чиқаришда муҳим аҳамият касб этади.

Тадбирда Тошкент шаҳар ихтисослаштирилган кўзи оғизлар мактаб-интернати тарбияланувчиларига эсдалик совғалар топширилди.

Д. Йўлдошев.

РЕКЛАМА ЎРНИДА

XALQ BANKI

Акциядорлик тижорат Халқ банки жамоаси Ўзбекистон Республикаси Конституцияси қабул қилинганига йигирма олти йил тўлиши муносабати билан барча юртдошларимизни табриклайди!

Шу билан бирга, Халқ банки қулай ва даромадли бўлган муддатли омонат турини таклиф этади.

Ушбу омонат фоизлари:
 — 13 ойга йиллик 17 фоиз;
 — 25 ойга йиллик 18 фоиз.

Омонатга маблағлар нақд пул шаклида ва пластик карталар орқали қабул қилинади. Ҳисобланган фоизлар эса сиз истаган усулда ойма-ой тўлаб берилади. Унутманг, Халқ банкидаги маблағингизнинг ишончли сақланиши давлат томонидан қафолатланади.

Кўшимча маълумотларни банкнинг ҳудудий филиалларидан олишингиз мумкин.

Манзил: 100096, Тошкент шаҳри, Қатортол кўчаси, 46-уй. Телефон: 71-200-00-55. www.xb.uz info@xb.uz Телеграм: @xalqbanki

Хизматлар лицензияланган.

Халқ сўзи Народное слово

МУАССИСЛАР:
 Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1245. 71 717 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоסי келишилган нархда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.

ТЕЛЕФОНЛАР:
 Девонхона 71-233-52-55;
 Котибият 71-233-10-28; Ўқонлар 71-232-11-15.

ISSN 2010-6784

“Шарқ” нашриёт-матбаа акциядорлик компанияси босмахонаси. Корхона манзили: “Буюк Турон” кўчаси, 41. ЎЗА якуни — 19.25 Топширилди — 21.35 1 2 3 4 5 6

• МАНЗИЛИМИЗ:
 100000,
 Тошкент шаҳри,
 Матбуотчилар кўчаси, 32-уй.
 Навбатчи муҳаррир — 3. Худойшукров.
 Навбатчи — Ш. Рафқоров.
 Мусаввир — Ш. Машраббеов.